



22 Abril 2019

Komunikadu Imprensa

Atu hetan tan informasaun, kontaktu ba:
Rosario Maia, Espesialista ba Mídia
Embaixada Estados Unidos Amérika, Dili, Timor-Leste
Tel: +670 332 4684, 77908209

Estados Unidos Amérika nia Ró Forsa Naval *Fall River* too ona iha Dili ba Pacific Partnership 2019

Estados Unidos Amérika nia Ró Forsa Naval *Fall River* –Ró transporte rápidu espedisionáriu ida husi Komando Transporte Marítimu Militar – too ona iha Dili, Timor-Leste iha loron 22 fulan-Abril hanesan parte husi Pacific Partnership 2019 (Parseria Pasífiku 2019).

Ida-ne'e maka ba dala 7 Timor-Leste simu Pacific Partnership dezde misaun ne'e nia inaugurasau iha 2006. Misaun ne'e evolve ona durante tinan barak husi konsentra ba kuidadu saúde direta ba fali operasaun ida ne'ebé foka liuba hametin parseria liuhusi interkámbiu asuntu espesializadu no asuntu sivil-militár ho nasaun uma-nain.

“Pacific Partnership maka misaun kooperasaun nian ne'ebé fortalese kapasidade nasionál no preparasaun hodi responde ba emerjénsia sira dezastre nian,” haktuir Kapitaun Navál E.U.A. Randy Van Rossum, nu'udar Komandante Pacific Partnership 2019. “Ami serbisu hamutuk, fahe koñesimentu, no implementa lisaun sira ne'ebé aprende ona. Ita prepara hamutuk iha ohin loron permite resposta efektivu iha futuru.”

Misaun iha Timor-Leste inkorpora troka koñesimentu ne'ebé inklui projetu enjeñaria asaun sívika, ezersísus ajuda umanitária-asisténsia ba dezastre, prontidaun médiku no saúde nehan aleinde kontaktu ho comunidade sira no halo konsertu banda muzikál.

“Governu Estados Unidos sente orgullu apresenta Ró Forsa Navál Estados Unidos Amérika nian *Fall River* no, profisionál militar no sivil sira ne'ebé partisipa iha Pacific Partnership 2019,” haktuir Embaixadora Estados Unidos Amérika ba Timor-Leste Kathleen M. Fitzpatrick. “Estados Unidos no Timor-Leste desfruta relasaun militar forte ne'ebé inklui treinamentu, vizitas, no ezersísus anuál oin-oin, nomos interkámbiu abilidade sira no projetu konstrusaun sira ne'ebé hala'o husi Estados Unidos Amérika nia Forsa Navál Seabees kolabora hamutuk ho enjeñeru sira husi Falintil-Forsa Defeza Timor-Leste.”

Servisu bazeia ba konvite husi nasaun uma-nain ida-idak, Pacific Partnership reune-hamutuk membrus parseirus militar no sivil sira husi Austrália, Kanadá, Japaun, Malázia, Peru, Filipina, Korea Sul, Tailândia, Reinu Unidu no Estados Unidos Amérika.

Pacific Partnership, agora ne'e iha ninia misaun ba tinan 14, nu'udar misaun anuál bo'ot liu multilaterál nian ba ajuda umanitária no preparasaun atu fó apoiu iha dezastre halao iha Indo-Pasífiku. Tinan-tinan, ekipa misaun serbisu hamutuk ho nasaun uma-nain sira no parseiru sira atu mellora interoperabilidade rejionál no kapasidade responde ba dezastre, aumenta estabilidade no seguransa iha rejaun, no promove amizade foun no ba tempu naruk iha Indo-Pasífiku

###